


太史医案初编

中医诊本丛书

(三)



太史段酉案初編三

卯

醫案卷三病證總目



氣症

有論

血症

有論

汗

瘡症

有論

脚氣

痿

癲狂

有論

脚燒

頭痛

有論

痢

有論


面

鼻

病背脊痛

有論

附關小兒陽常有餘



治族子廷彥之子宇遜玉氣喘身熱案六四

枳殼桔梗杏仁止治風寒傷肺及或外邪內結於胸症見喘咳而設。若使喘由內虛其氣自膺而奔不由胸發則治當自內平不可外解。余於乾隆乙未孟春治余族姪宇遜玉氣喘一症初遜余治審其氣急確不出胸而發自晝至夜睡皆用被襯背靠被而坐而不可以平仰氣則自膺下奔身則壯熱不退胸則隨氣上築聲如拽鋸脉則洪大而滑兩寸與關尤勝索其所服之藥皆是枳殼羌防及杏仁破氣之品則藥與病左而症滋甚且細審其飲食則半粒不入口則喜飲熱湯而冷不喜苦則胎白而滑知其虛重在火而次在水況腎化源

亦虧肺則燥裂不潤。因用自製六大煖胃飲。內除半夏加白芍牛膝。
車前補骨脂五味麥冬煎服。服之病隨藥減而睡自可平仰無事矣。
愈後渠問此氣自何而生。余曰。天地止此一氣。以爲磅礴。人身止此
一氣。以爲運用。若天地無氣。則三光不明。五岳失墜。人身無氣。則形
氣寂滅。有死而已。昔軒岐謂人諸病皆因於氣。又曰。百病皆生於氣。
遂有九氣之名。如有所怒。致氣逆而不下。其症必見嘔血餐泄。煎厥。
消厥。陽厥。胸滿脇痛。喘渴心煩。消癰肥氣。目暴育耳。暴閉其筋。發
於外爲癰疽。怒傷肝喜則氣和志達而營衛通。其症必見爲笑不休。其
毛草焦。爲內氣爲陽氣。不収甚則爲狂。喜傷心悲則心系急。肺布葉舉。

而上焦不通。衛不散。其症必見陰縮。氣并於肺。而肝木受邪。金太過。而肺亦自病。熱氣在中。而氣消。悲傷心肺。恐則精神却。却則上焦閉。閉則氣還而下焦脹。其症必見傷腎。腎屬水。恐則氣并於腎。而心火受邪。水太過而腎亦自病。恐傷腎。寒則腠理閉。而氣不行。而氣收。其症必見傷形。形屬陰。寒勝熱。則陽受病。寒太過。則陰亦自病。寒傷形。熱則腠理開。營衛通。汗大泄。而氣泄。其症必見傷氣。氣屬陽。熱勝寒。則陰自病。熱太過。則陽亦自病。熱傷氣。驚則心無所依。神無所歸。慮無所定。而氣亂。其症必見傷胆。胆怯則內有怵惕。如人將捕。眼慌不能以振。手握神昏。氣不克呼。聲不克作。驚傷胆。思則心有所存。神有所歸。氣留不

行而結其症必見傷脾脾屬土思則氣并於脾而腎水受邪土太過

脾亦自病思傷脾勞則喘息汗出而外皆越而氣耗其症必見喘渴

自汗身熱心煩頭痛惡寒惡食脉大而虛勞傷氣凡此九氣所見不同

而究氣之源發於腎出於肺統於脾護於表行於裡又曰人身有宗

氣營氣衛氣中氣元氣胃氣沖和之氣上升之氣而宗氣尤爲之主

其曰宗氣元氣卽氣之發於腎也曰中氣胃氣沖和之氣卽氣之統

於脾也曰上升之氣卽氣之出於肺也歸結仍是肺脾腎曰衛氣卽氣之護

於表也曰營氣卽氣之行於裡也蓋氣週流一身出入升降晝夜有

常曷常有病是以聖人審氣持爲至寶庸人役物反傷太和加以六

滯外感氣失其常而病斯作。是以景岳立論以治七情之滋。則以悲
哀苦楚之言以治怒。歡喜譁浪之言以治悲。死亡恐怖之言以治喜。
汚辱欺誑之言以治思。更相互制其治大滯則以苦寒以治風火暑
燥。辛熱以治寒濕。其辨七情之滯虛實則統於形氣。壯胸高氣喘
痞滿壅熱口燥舌乾聲啞劇痛不休痛不走移拒按兩脇脹滿面色
青黃暴怒氣厥不省人事脈見實數滑大氣逆汗閉不出閉結發渴
喜冷脹而能食氣兼頭痛發熱惡寒身熱皆作實看。如其形痿氣怯
心下懸空神氣解散畏寒口冷舌潤聲低痛無定處喜按久病懶語
神昏不飲脈來虛遲滑小氣短汗出不止泄瀉燥渴喜溫脹而不食

腹痛自利、無熱無寒、手足厥逆、皆作虛看。歸結仍是虛。茲腎姪病見
之氣、卽是腎氣上奔之氣也。今定是單無錯、越日告病服藥有應、因
迷氣病之論、以曉同氣。

疏出正氣病氣根源、猶在臨症之時、將此虛實二字逐一分剖、方
無錯悞。至於遜玉所沾是病、原是腎氣上奔、並非風寒外感、喜及
臨症卽知、故爾治之卽效。男省
吾識

擬上歐陽梟憲氣脫胸腹似實案

乾隆甲午臘月初一申

十六

生按經言氣分三焦上焦如露中焦如漚下焦如瀆蓋緣腎爲氣之根肺爲氣之蓋脾爲氣之統故氣自腎上升於肺肺則隨呼吸而氣不令其上脫自肺而歸於腎則腎隨收而隨升而氣不令其下奪脾則居中坐鎮隨其上升下降接引故能迭運無窮周流無息佈於中外運於一身而變化云爲無不泰然自得一有傷損則氣上升不收下降不返有呼無吸或一便自遺脫肛不縮或氣如霧出汗如雨下憲臺政司風憲刑名總會清心寡慾遇事勞苦不假他手自晝至夜日昃不遑以致神昏氣耗於是氣從上升而如霧而肺不蓋故見

呼多吸少氣從下行而不續而腎失守故見下奪而肛脫中則失升降不統而症於是而脩見焉并診其脉洪大異常重按無力有似真臟脉見斯時病已告急補之不暇收之宜亟凡一切耗氣散氣之藥概不敢用且今胸腹氣脹皆是虛氣冲突勿作實看余本山僻自揣學淺聞見有空眼既承下顧自當實告若不用附子肉桂地黃不能以固下焦之腎而收肛脫不用人參五味不能以收上焦氣散如霧不用白朮甘草不能以固中焦之脾而使上下接引此方增一不能闕一不得宜亟用之稍遲則脫生見如斯未知當否合共商之

症見上下交脫而猶轉輾遲迴思作實治不無有悞

見

治臨川縣西姓王字朝棟氣脹不消案

六十六

氣脹認屬氣虛。治法迥殊。蓋氣虛脉多沉細。氣脹脉多洪大。氣虛氣短。得食則安。氣脹氣短。得食則劇。氣虛食後則快。氣脹食後則飽。氣虛二便通活。氣脹二便多閉。氣虛得補則精神倍添。氣脹得補則精神昏昏。氣虛身體日見消瘦。氣脹身體日見浮大。氣虛人雖消瘦。不見黃腫。氣脹人身肥壯。益見浮胖。氣虛痰少。氣脹痰壅。此氣虛氣脹症有不同者。如此醫者不細讀書。或得俗醫口授。或僅涉獵勦襲。妄以氣實作虛。氣虛作實。欺騙鄉愚。以應捋腹。可恨殊甚。歲嘉慶丁巳季夏。臨川縣西有一姓王字朝棟。秉性素陰。食多脹滿。語言不接。醫

者。選用參耆。其服益甚。以致眼目昏花。腳軟無力。精神不振。大便艱結。寒熱交作。水停心悸。炎炎作震。猶似胆怯之狀。一身上下手足諸症悉脩。召余往診。余曰。近日是何醫治。是何藥品。渠對已有卑在。余見卑開眼目昏花。竟用白芍蔓荊。精神不振。竟用黃耆。扶神脚軟無力。竟用杜仲續斷。寒熱往來。竟用柴胡黃芩。二便不解。竟用大黃川樸。小便不通。竟用茯苓澤瀉。頭苦作痛。竟用羌活防風。手足麻痺。竟用當歸川芎。凡其頭尾上下手足裡外所見。無不冗統。雜投。設有千百症。見卽用千百之藥。余曰。此庸醫也。蓋人一身上下周圍症起。而其病根自有其一。書言治其一。則百病消。治其餘。愈增別病。此非失。

一治百之謂乎。無怪病纏至今而不愈。自余論之。病止在於中州。胃寒。命門火衰。食不消運之故。蓋中州強則痰不上壅。而目清。凡白菊。蒙花。可不必用。中州強則谷食下行。氣不上升。而頭不痛。凡川芎。白芷。羌活。可不必用。中州強則谷食上輸於肺。而氣自生。血自活。凡川芎。耆。本。之。藥。可不必用。中州運則谷食下蔭。而兩腳有力。凡杜仲。續斷。可不必用。中州運則氣血營運。而寒熱不作。凡柴胡。黃芩。可不必用。中州強則上下氣運。而二便卽通。凡庄黃。川朴。茯苓。澤瀉。可不必用。中州強則水道行。而水自不上逆。而過額。凡叔藪。固汗之藥。可不必用。今醫所用之藥。俱是攻圍廣設。以求一過。豈真尋源救本之治。

哉。余用對乎半夏仙茅胡巴丁香白朮沉香故紙木香砂仁姜汁茯苓。囑其日服一劑。久則中州藥飲食消精神治而諸症自爾漸除矣。目今服已多。剗飲食漸加身竟輕快。非是中州以溫爲補之謂乎。筆記於此。以爲諸醫以實作虛戒。

病症紛雜不能一索貫通。自難下手。比案病源總是中有寒濕阻其中道。故爾上下手足頭尾無不皆有病見。若止治上之頭而下之尾。又失治下之尾而上之頭。又失。自應尋其病之結穴。實在於中。之當從中以治。但今頭痛治頭。腳痛治腳。比比皆是。誰知治有如此貫通之悉。歸於一者乎。玩此可以觸類反三。晁

治族叔祖字君勝第二文郎號九才氣喘身熱六七

案

余於乾隆壬辰之秋。值族叔祖君勝第二文郎號九才。身患喘熱。九才年止十三。其熱久伏未出。因新有感觸。其伏邪從內而發。始則頭痛如破。有熱無寒。繼則氣喘神昏。脈滑而大。胎黃自利。蓋此雖新有感。在初止宜進用葱白香豉。俾表即從。葱散隨即應用石膏。知母黃芩。不致其熱滋甚。乃有一醫與渠至親。謂渠熱久不退。恐有肌邪未解。遂用大劑升麻柴胡葛根。以投服之。氣益見粗。熱益見甚。時余在旁細審。知其熱從胸結。診脈輕取浮而且滑。重按則滿而實。知其大便已閉。遂用大劑芩連石膏。知母括萎大黃枳實等藥。連進數劑。